

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM**

Komisija za promet i komunikacije

Broj:01/6- 011-479/02
Sarajevo,28.05.2002.god.

ZAPISNIK

Sa 5. sjednice Komisije za promet i komunikacije
Predstavničkog doma održane 28. maja .2002.god.

Sjednica je održana u zgradi institucija Bosne i Hercegovine, Trg BiH br.1. sa početkom u 12,00 sati.

Sjednici su prisustvovali njeni sljedeći članovi :

- 1.Ivo Lozančić
- 2.Halil Mehić
- 3.Dragi Stanimirović
- 4.Željko Mirjanić
- 5.Abdurahman Malkić

Sjednici nisu prisustvovali članovi : Miro Grabovac-Titan, Mustafa Cuplov, Damir Mašić i Miloš Jovanović.

Sjednici je u prisustvovao Muhamed Begović u svojstvu jednog od predlagatelja zakona, pored Abdurahmana Malkića.

Sjednicom je predsjedavao Ivo Lozančić, predsjedatelj Komisije za promet i komunikacije. Za sjednicu je predložen sljedeći

DNEVNI RED :

- 1.Verifikacija zapisnika sa 4. sjednice Komisije za promet i komunikacije ,
- 2.Razmatranje :
 - Prijedloga zakona o unutrašnjoj i pomorskoj plovidbi ,
 - Prijedloga zakona o državnim cestama u BiH,
 - Prijedloga zakona o pošti,
 - Prijedloga zakona o ugovorima i prevozu u cestovnom prometu,
 - Prijedloga zakona o međudržavnim i međuentitetskim komunikacijama,
 - Prijedloga zakona o osnovama sigurnosti prometa na putevima.

Prije prelaska na razmatranje predloženih točaka dnevnog reda predlaže zakon Abdurahman Malkić je predložio da se predmetni zakoni pod tač.2. razmatraju shodno redosljedu kako ih je predložio, jer je pri tome vođeno računa o značaju i prioritetima pojedinih zakona kako slijedi:

- Prijedloga zakona o međudržavnim i međuentitetskim komunikacijama,
- Prijedloga zakona o ugovorima i prevozu u cestovnom prometu,
- Prijedloga zakona o državnim cestama u BiH,
- Prijedloga zakona o osnovama sigurnosti prometa na putevima.
- Prijedloga zakona o unutrašnjoj i pomorskoj plovidbi ,
- Prijedloga zakona o pošti.

Navedeni prijedlog ,kao i dnevni red u cjelini sa utvrđenom izmjenom članovi Komisije su jednoglasno usvojili.

Ad.1.

Obzirom da na dostavljeni zapisnik sa 4.sjednice Komisije nije bilo primjedbi , zapisnik je jednoglasno usvojen.

Ad.2.

Predsjedatelj je otvorio raspravu po drugoj točki dnevnog reda ,počevši od prijedloga Zakona o međudržavnim i međuentitetskim komunikacijama,te informirao članove da je Ustavno-pravna komisija dostavila Mišljenje kojim nije utvrđeno postojanje ustavno-pravnog osnova za donošenje predmetnih zakona.

U raspravu su se potom uključili Abdurahman Malkić i Muhamed Begović kao predlagatelji zakona, istaknuvši da postoji ustavno-pravni osnov za donošenje istih,kao i potreba postojanja zakonske regulative u ovoj oblasti na nivou države BiH s obzirom na učlanjenje u Vijeće Evrope.

U diskusiji su još učestvovali Željko Mirjanić i Dragi Stanimirović. Pored isticanja, od strane prvonavedenog učesnika ,formalnog nedostatka koji se ogleda u nepostojanju ustavno-pravnog osnova po mišljenju Ustavno-pravne komisije, ponovo je naglašena potreba za prisustvom predstavnika Vijeća ministara BiH odn.nadležnog resornog Ministarstva radi dobijanja relevantnih informacija u vezi sa predloženim zakonima i koordinirajućoj funkciji koju ima Vijeće ministara u oblasti donošenja zakona.

Nakon završetka rasprave predsjedatelj je na osnovu prijedloga članova formuirao zaključak da se prekine 5.sjednica Komisije i u roku od 15 dana organizuje sastanak sa predstavnicima Vijeća ministara BiH odn.resornog Ministarstva kao mogućeg predlagatelji ovih zakona u kome bi isti mogli iznijeti svoje stavove o predloženim zakonima ,informisati članove Komisije i predlagatelje u kojoj su fazi izrade predmetni zakoni kod njih,te u suradnji sa predlagateljima i članovima Komisije eventualno usaglasiti i uputiti takve zakone u parlamentarnu proceduru.

Navedeni prijedlog zaključka je jednoglasno usvojen.

Sjednica je završila sa radom u 12,45 sati.

TAJNIK KOMISIJE :

Branka Todorović

PREDSEDATELJ KOMISIJE:

Ivo Lozančić